

作今故燒香自歸依

道尊大聖眾至真之德得道之後昇入無形和與道合真

以今靜夜行道請法眾等運茲二捨上香供養十方一切經寶臣等皈身皈神皈命

太上玉宸大道君紫微天皇大帝九品上真

以是功德歸流醮主某九世七玄億曾萬祖陰宮夜府一切亡靈伏願鍊沐神魂昇入洞

陽之境超離鬼籍別生景福之天受仙官拔度之恩斷鬼神連速之役慶流後裔功及宗

人今故燒香自歸依

經尊大聖眾至真之德得道之後昇入無為和與道合真

以今靜夜行道請法眾等運茲三捨上香供養十方一切師寶臣等皈身皈神皈命

太上金闕老君紫微北極大帝九品上仙以是功德歸流醮主某屆茲元命之辰別注殊

常之福遠為期限垂龜鶴以齊年除去害災與珪璋而比德所有行年之上運限之中或

暗曜臨身或黑符加運或值運元之衝破或

當氣本之衰微並願本命星官本宿神將悉來擁護無使傾危回死注生變凶為吉仰資道蔭並荷玄休今故燒香自歸依

師尊大聖眾至真之德得道之後昇入無為和與道合真

唱方 懺方 三啓 三禮

具位臣某等謹同誠上啓

虛无自然元始天尊太上大道君太上老君

昊天玉皇上帝九皇上真十方已得道大聖

眾至真諸君丈人三十六部尊經玄中大法

師圓穹玄象日月星辰北斗尊帝七元輔弼

星君南極大帝丈人司馬六司星君本命元

辰洞天海嶽三界官屬一切真靈臣等伏以

太上慈悲為衆生之父母本命經訣作當世

之津梁儻匪慈航孰登道岸自聖真之界付

許寰海之宣行永壽改元之初至于今日太

清闡教之久傳及小臣不量弱質之凡輒演

真科之妙伏乞九清重盼三洞流光憫以大

慈開以大宥赦除弟子某爰從歷劫逮及今

生捨身受命從苦入苦漂流六趣混合衆生

或富或貧或貴或賤或生夷域或在中華不

悟正真罔知經戒務追時好以取世資失性

任情貪財背義妬賢嫉善不親勝己之人冒

法為非不顧陰司之錄罪根深重惡業縈纏

或得罪於殺父蠶母之神或受報於陰考陽

罰之數違明真之科典犯三元之品文五帝

四司記其自為之孽三官九府校其所作之

非被天司之滅算除年無善功之消災懺罪

魂神被繫禍患來鍾或連年而疾病不痊或

累歲而邪妖剋害近則先亡連復遠則塚訟

徵呼被下鬼之訴誣蒙上天之加譴連速祖

禰流注子孫今投解謝之門乞免淪沒之苦

未赦者赦未原者原應其請福延生之求聽

其修齋設醮之願所削落者皆三災九厄所

衛護者有萬聖千真易短促之年為延長之

筭變災衰之運為吉慶之期富貴聰明處人

中之殊勝快樂自在獲壽量之無窮均福利

於同居覃恩光於後裔上明

天尊大慈之澤下副臣等歸命之誠謹啓以

聞

十二願

復爐

謹攝香官使者左右龍虎君侍香諸靈官當令臣向來靜夜行道之所自然生金液丹碧芝英百靈衆真交會在此香火爐前當願十方仙童玉女接侍蘭煙傳臣向來所啓之誠速達徑御

至真無極大道

昊天玉皇上帝御前

出堂頌 出戶

道門科範大全集卷之六十一

道門科範大全集卷之六十二

廣成先生杜光庭刪定

北斗延生道場儀

設醮行道

法事陞壇如式

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利貞

名刊玉簡 字錄帝房 乘蹺散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 與道合真

鳴法鼓二十四通

無上三天玄元始三炁太上道君太上老君

召出巨身中三五功曹左右官使者左右捧

香驛龍騎吏侍香 金童傳言散花玉女五帝

真符直日香官合三十六人出出者嚴裝顯

服冠帶垂纓關啓玄壇土地方域神真巨今

靜夜行道謹奏爲 入意其諸情悃已錄告聞

願得太上十方至真道炁靈寶瑞光下降流

入巨身中令巨所啓速達徑御

太上無極大道

昊天玉皇上帝御前

請稱法位

具位巨某等謹同誠上啓

虛元自然元始天尊太上大道君太上老君

昊天玉皇上帝九皇上真十方已得道大聖

衆至真諸君丈人三十六部尊經玄中大法

師圓穹玄象日月星辰北斗尊帝七元輔弼

星君南極大帝丈人司馬六司星君本命元

辰洞天海嶽三界官屬一切真靈巨等伏以

性命皆憑妙道之所生形體皆爲本宿之所

掌一身之元辰驛馬奉天令以解除害災七

元之本命星官察人爲以增崇福壽當有威

儀之像世必聞真聖之通靈恭惟

北斗本命真君造化之樞機陰陽之元本主

持人命統御萬靈有回死注生之功示懺罪

消災之法然道爲萬氣之母天乃百神之宗

命雖主於七星事悉關於天府故五行共稟

七政同科凡當元命之辰普降衆真之駕醮

主弟子其仰延藻衛披露精束揚典禮於靈壇接威神於靜夜雲璣迭奏舉空洞之靈歌寶笈重宣紛鬱惹之佳氣蔥有豐醴酒馨香恭協靈期敢忘本始伏願八瓊駐景三素飛騎下天蹕於空中降玉華於庭際五色之彩雲覆地仙仗來臨九天之真氣布壇帝容有赫萬靈侍衛諸天下觀監茲無貳之誠心錫以難窮之壽筭五福咸備百祿攸宜三世罪空一身神集使醮主弟子其業無報而自落善有應而彌修家生忠孝之子孫身積神仙之功行生存受度水陸雷恩巨與齋官無任虔頌懇禱俯伏望幸激切之至謹稽首再拜奉迎

聖駕
請聖 初獻 散花

重稱法位

具位 其等謹同誠上啓

三清上聖昊天玉皇上帝諸天帝座三寶神君臣聞六甲內馴隨彼機衡之運五行迭旺示茲龜鳥之時觀三百六旬之中皆七十二

候之紀一歲之運也一星以主焉試推甲乙之遷潛格堪輿之應碧霞殿上以丙午歲而說消災之文玉局座中以乙未年而示延生之訣丁丑丁卯丁巳則玉女所直甲子甲寅甲申則三皇所司關令尹以壬午日中親逢

太上葛仙翁以庚寅日夜遠降天真知本命之期當有百靈之集設醮弟子其香花作供首體歸誠瞻穹極之斗標隨心控告儼齋詞之醮席注想尊靈禮行初獻之儀位降天諸之聖享神膏德不貴味願歆明德之馨香天以實而不以文冀通款實之祝忱詞致告精懇備存啓茲丹字之函召乃紫清之陰乞回飈景臨鑒齋盟弟子青詞謹當敷奏

宣詞

諦詳齋款灼見至誠爰求端命於天肅祗科醮保比克生之質永奉神靈伏蒙上聖垂光虛皇乃眷咫尺清都之馭真侶說說雍容仙佈之臨睟顏穆穆駐仙儀於靖館達誠悃於帝聰盼纓相符荷至神之不昧希微有象錫瑞應以潛臻敢因元命之期普洽自天之祐

臣與齋官無任歡呼并蹈激切知歸之至誠惶誠恐稽首再拜謹陳亞獻

散花

具位 其等謹同誠上啓

北辰帝座斗中七星五福十神二十八宿周天列曜一切尊靈巨闡有命在天孰不資於洪造維北有斗寔統屬於羣生爰自太極肇分三光迭照普斗柄之在上號帝車而運中獨稱象緯之尊幹旋天地密運化機之妙稟貸生靈粲然一星之光蠢爾萬夫之命醮官其志不忘本念厥生之有初命實開先乃毓形於今日戒先世迷真之故懼天司奪祿之殃嚴啓道筵再伸獻禮香炷交騰於瑞霧屋燈爛接於神光法音琅琅仙儀翼翼天人相交之際福祿來下之時靈契斯通至誠所感願延命限展壽域以無窮錫以神禧肇福基而永固北斗七千之神將衛護南陵三千之使者追隨掃蕩災速消除魔鬼五藏之神君常保三生之男子長為婦人則云守形帝座之大一不離身帝座流輝天精散彩各守辰躔之次共儲分野之

祥臣與齋官無任虔懇戰越之至稽首再拜
謹陳終獻

散花

具位臣某謹重誠上啓

五嶽十山三河四海十洲三島四瀆九江福地靖廬洞天靈化三府官治一切威靈臣等伏聞東啓明而西長庚南有箕而北有斗仰觀上象煌煌有爛之文維是七星一一注生之本宣至精於物表幹洪造於天中認本命所屬之星設靈寶告真之醮是為知本乃不輕生設醮弟子某消選休辰式陳明薦尚慮志雖自勵行或匪彝踈煩想於心宵遷善遠罪檢仙圖於軌格好道求靈增潔意以滋深望靈休之疊委今則嚴更未艾悉周三獻之勤玄感已通願保百齡之永伏冀三靈鑒貺萬聖流輝落滅罪根俾欽承於精曜恢洪慶會永無媿於人身解三災四殺之迭除五行六害之苦無七傷而有七元之護衛無八難而有八天之監觀夫妻偕老之期男女有宜家之慶婦無產生之厄鬼無復連之纏疾

病皆痊痼無染精邪伏匿狼虎潛藏官災塚訟永消除地網天羅俱解釋交游無呪咀之事往來無劫賊之虞同處家門並臻康泰臣與設醮弟子無任傾軫一營之至稽首再拜以聞

宣功德疏

具位臣某等謹重誠上啓

三清上聖十極高真海嶽神靈天地仙眾三界官屬一切威靈臣等伏以祇建明科昭飭馨薦上通霄極奉絳闕之明威延致真靈煥玉光於空洞三挹既清之醴一陳仰告之詞垂監在高有祈無默伏念弟子某性無他好惟善是修聞而必行惟齋克舉靈辰荐及元命忽臨終夕之靈壇擊開六度之雲駢下暨皇明已燭業障俱空別延天府之命元不絕人道之種子更薰流以真氣沃以太和照以靈光沐以神澤使弟子某漸登妙果重立玄功證妙道之虛無具圓通於聖智逍遙紫雲之際昇入金闕之門與萬聖以協和超三界而自在永不輪轉壽量無窮靜言仙路之開

皆自今日之始次乞弟子某家七先神識九祖幽儀沐浴流火之庭步武朱陵之府乘洞陽之氣受記三清離萬鬼之羣遠辭泉曲殃注永絕建役不聞利佑後人增延景福次及父母兄弟夫婦女男盡條罪瑕咸蒙福佑紫文注善增福祿於玉帝案前黃籍紀功闕姓名於太皇殿上徧合門而受祉延百載以蒙休除九皇行度之災雖刑衝而無為逆害免二運凶衰之數值空絕而更益年齡長幼康寧族屬和睦次乞兵偃刑措道洽化醇集大慶於邦家無夷寇之患布神休於黎庶有謳歌之歸混合車書鎮安天地陽九百六制劫運以無憂四輔千官禮公忠而報國湛恩及於庶物授職徧於羣臣凡居覆燾之中同諗雍和之化今則天香尚霽仙衛將回芝童執節以前迎雲馭控職而直上臣等朝真班退告齋事終已蒙天眷之臨永共靈期之協臣與設醮弟子某等無任攀戀知歸之至謹啓以聞

十二願

本七

十六

復爐

謹攝香官使者左右龍虎君侍香諸靈官當
令臣向來靜夜行道之所自然生金液丹碧
芝英百靈眾真交會在此香火爐前當願十
方仙童玉女接侍蘭煙傳臣向來所啓之誠
速達徑御

至真無極大道

昊天玉皇上帝御前

出堂頌 出戶

道門科範大全集卷之六十二

道門科範大全集卷之六十三六十四 啓八

三洞經錄 弟子仲勵修

真武靈應大醮儀佑聖顯儀凡三本一若
禮果公觀二大師史公

浩三近出一本皆吳早朝於宿啓晝夜點
則不備爰合三儀并取杜天師光庭北帝
齊儀三上香兩節參修增屬啓散
三時行道作五卷以備修設之用

陞壇法事如式

庭參

具位臣某等謹焚道香德香無為自然香度

誠再拜啓請

法主北極鎮天真武靈應佑聖真君玄天元

聖仁威上帝聖父淨樂國王聖母善勝皇后

北極天蓬都元帥蒼天上帝北極天猷副元

帥丹天上帝北極網聖保德真君昊天上帝

北極闕下列班真宰雷霆都辛張三大元帥

雷門荀畢二元帥虛危二宿神君黑虎大神

劉天君阜森神君崔虛都實四天君馬趙關

溫四大元帥城隍祀典廟社神祇三界功曹

證盟真宰悉仗真香普同供養臣等伏以圓

蓋廓清藹非煙之佳氣北靈昭格協降駕之
靈辰臣等澡溉蒙襟宣行齋法躬致庭參之

禮仰延宸宙之游咸罄乃誠續通精款臣等
无任俯伏皈依之至以聞

發牒

念呪灑淨

恭聞天道高遠無聲臭之可聞神聽杳冥惟

陰陽之莫測誠之所嚮應乃無方厥有靈官

克司請命敢使一爐之芬郁仰邀四直之威

靈冀賜感通即垂降鑒以今焚香奉召

年直功曹使者 月直功曹使者

日直功曹使者 時直功曹使者

惟願降臨受茲祈叩

恭惟使者上下四方最為夙絕超騰萬累曹

不須史玉闕金庭傳命主叩闕之職雲車風

馬過都如歷塊之稠煩聖力之載馳致神聰

之四達倘備精明之禱曾微壅遏之憂今點

官某夙稟善緣叨逢正法晨昏香火敢忘真

聖之鴻慈時節片暉用格靈官之颺馭庶祈

仙駕下察凡居于時瑞霧騰空祥風布地演

瓊科於翠笈吐塵烟於丹心仰仗先容得諧

上達所祈所請令即啓聞